

DE

18394

VOCIBUS HOMERICIS

IN

Morae
M Ω P O Σ

DESINENTIBUS

OBSERVATIONES PHILOLOGICAE.

PROPOSUIT

CAROLUS WILHELMUS LUCAS.

BONNAE

LITTERIS CAROLI GEORGII.

MDCCCXXXVII.

UNIVERSITY OF MICHIGAN

1910

COLLEGE OF ENGINEERING

DEPARTMENT OF CIVIL ENGINEERING

OFFICE OF THE DEAN

UNIVERSITY OF MICHIGAN

1910

COLLEGE OF ENGINEERING

1910

UNIVERSITY OF MICHIGAN

1910

§. 1.

Carminum homericorum interpretationem qui susceperunt, multa cum in rebus, tum in verbis offendunt mira difficultatis varietate quadam impedita; quorum alia per se abdita sunt et retrusa tantisque vetustatis quasi tenebris obducta iacent, ut ne acerrimis quidem eruditissimorum hominum studiis neque praestantissimi ingenii acumine unquam illustrari posse videantur; alia eaque haud pauca aliquamdiu visa sunt significationis obscuritate latere et per multas profecto aetates latuerunt, neque tamen sua natura ingentem difficultatem viris doctis parabant, sed ab antiquis potissimum Homeri interpretibus tam male habita sunt tamque mirifice distorta coniecturis, ut qui observationes eorum legisset, dissensione atque opinionum vanitate quasi obcaecatus de sua interpretatione non ita multum salutis sperare posset. Nam ut aliis nominibus vituperandi sunt linguae indagatores, ita maxime in Homero peccaverunt, quod plura vocabula, quorum cognationem doctissimus quisque probatam perspectamque habet, singula considerant et ex suo arbitrio temere explicant, ratione habita eius sententiae, quam sua sibi impudentia finxerunt. In quo quidem studio vani coniectores operam curamque egregie consumunt, ut quorum mentes sua doctrina illustrare debeant, iis ipsis lucem eripiant et quasi noctem quandam rebus offundant. Sed ut quò pertineat haec mea reprehensio, ingenue fatear, ego vero cogito de vocabulis homericis in ΜΩΡΟΣ desinentibus, quae tria sunt, *ιόμωρος*, Il. δ, 242. ξ, 479. *ἐγχεσίμωρος*, Il. β, 692. 840. η, 134. Od. γ, 188. *ὐλακόμωρος*, Od. ξ, 29. π, 4. adiungimus quartum, quod unum, ni fallor, accedit Herodoti, *σινάμωρος*, V, 92.

Iam voces illas homéricas ab antiquis inde temporibus ad nostram usque aetatem diversissima ratione explicatas esse, facile intelligunt, qui interpretum in Homeri carmina commentarios evolvunt. Quarum opinionum age brevem

recensum faciamus, ut quae antiquis magna onera esse videbantur, facillima saepe opera sublevari atque tolli posse, ex hac disquisitione appareat.

§. 2.

1. Ac primum quidem *ιόμωρος* compositum esse dicitur ab *ιός*, *sagitta*, et *ῥα*, *custodia* (*φροντίς*), ita ut *μ* insertum sit totoque vocabulo significatur *ιῶν φύλακες*. Schol. ad Jl. δ, 242. Hanc interpretationem, quam etiam Eustathius ad Jl. p. 467, 37. et p. 998, 48. commemorat, Dammius lex. hom. sub voce *ιόμωρος* quidem non secutus est, sed ad vocem *ύλακόμωρος* explicandam adhibuit.

Aliter. *ιόμωροι*, οἱ περὶ ἰοὺς πεπονημένοι. Schol. ad Jl. δ, 242. Hesych. s. v. Etym. 472, 57.

Aliter. Eustathius ad Jl. p. 467, 34. haec habet, *ιόμωροι δὲ νῦν ἀπὸ μέρους οἱ ἀπλῶς πολεμισταί*, κυρίως δὲ οἱ περὶ βέλη μεμορημένοι, ὃ ἐστὶ κακοπαθοῦντες ἐκ τοῦ μόρος, ὃ δηλοῖ τὴν κακοπάθειαν, ἐκταθέντος τοῦ ο. Cfr. Eustath. ad Jl. p. 998, 45. Schol. ad Jl. ξ, 479. Apollon. Soph. lex. homer. s. v. Hesych. s. v. Etym. 473, 1.

Aliter. *ιόμωροι*, ἰοῖς μοῖραν δίδοντες. Schol. ad Jl. ξ, 479. sive οἱ μόρον ἐμποιοῦντες ἐν ἰοῖς, ἐκτάσει τοῦ ο εἰς ω μέγα. Eustath. ad Jl. p. 998, 45.

Aliter. *ιόμωροι*, ἰοὺς ὀξεῖς ἔχοντες· μόρον γὰρ τὸ ὀξύ Κύπριοι, ὃθεν καὶ ὑλακόμωροι. Schol. ad Jl. ξ, 479. cfr. Eustath. ad Jl. p. 998, 47. Hanc interpretationem Aristarchi esse, apparet ex lexico Apollonii Sophistae, qui reliquas voces homericas in *ΜΩΡΟΣ* exeuntes eadem ratione declarari vult. Cfr. Eustath. ad Od. p. 1749, 36. Etym. 776, 22.

Aliter. *ιόμωροι*, ἰοὺς ὀξεῖς ἔχοντες καὶ δι' αὐτῶν ἢ ἐξ αὐτῶν μόρον, ὃ ἐστὶ θάνατον, ἐπιφέροντες. Sic Hesychius s. v. In qua definitione utraque significatio, quam alii voci μόρος tribuerunt, ὀξύ et μοῖρα sive θάνατος coniuncta est.

Aliter. *ιόμωροι*, οἱ περὶ τὴν μάχην καὶ τὸν πόλεμον ἀναστρεφόμενοι. Schol. ad Jl. δ, 242. Quibus verbis non etymologiam vocabuli, sed poetae mentem generaliter et minus definite grammaticus ille proposuit.

Aliter. *ἰόμωροι*, οἱ *ἰόντες ἐπὶ τὸν μόνον*, οἷον *ἄψυχοι*· ἀπὸ τοῦ *προφανῶς ἐπὶ τὴν ἀπώλειαν ἰέναι*. Dionysius Thrax apud Apollon. Soph. lex. hom. s. v.

Aliter. *ἰόμωροι* non, ut vulgo iudicatur, ab *ἰός*, *sagitta*, sed ab *ἰον*, *viola*, derivandum existimatur; *ἰός* enim penultimam productam habet, *ἰον* vero semper correptam. Quare in Homeri locis vox reddenda est, fato violae destinati h. e. brevis vitae. Haec fere observavit Antonius Askevius, laudatus ab Alberto ad Hesychium s. v. *ἰόμωροι*.

Aliter. Heynius ad Jl. T. IV, p. 604. vocem antiquam esse, neque de eius vi, sensu et etymo liquere existimat; coniicit tamen, vocabulum duci posse ab *ἰος*, *μόνος*, ut significantur eodem fato nati, vel pares aerumnas tolerantes. Idem vir doctus non videtur recusare Askevii interpretationem, sed eam rationem sequitur, quam de eadem voce Koeppenium statuuisse videmus, ut homines miseros indicari velit; in cuius rei similitudinem afferunt homericum illud *πορφύρεος θάνατος*. Sed ut de verborum sensu nunc taceam, quis haereat apud Homerum in vocalis ancipitis natura urgenda, maxime quum in longioribus compositisque vocabulis soni suavitas inprimis observetur? Etenim illis litteris ad facilitatem versus pangendi maxima atque eadem libertas concessa erat, quam vocalibus ε et ο concessam videmus; praeterquam quod in his quidem postea diversae formae diversam naturam significarunt, in illis varia soni vis una formatione expressa est. Habes *μυρῖκαι*, Jl. φ, 350. sed *μυρῖκησιν*, Jl. φ, 18. itemque *φοινικοπαρήους*, Od. λ, 123. sed *φοινῖκόεσσαν*, Jl. κ, 133. alia. Quare de vi metrica vocabuli *ἰόμωρος* nullus nisi morosior homericæ simplicitatis interpres dubius esse potest, neque facile quemquam existimo in posterum sagittam esse cum viola permutaturum.

Aliter. Koeppenius ad Jl. δ, 242. (cfr. ad Jl. β, 692.) recte quidem vertit vocem *ἰόμωρος*, sed perperam interpretatur, partim veterum errores amplectens, quum dicit, milites significari miseriis designatos, partim violam illam Askevii arripens, in qua solum colorem nigrificantem respiciendum esse censet, ita fere ut sint atrae morti destinati, rationibus depromptis ex simili compositione *ιοειδής*, *ιοπλόκαμος*, *ιοβόστρυχος*.

Aliter. Wolfius (observ. ad Jl. δ, 242. ed. Uster.) alteram vocabuli partem ΜΩΡΟΣ obscuram esse existimat; tum propositis nonnullis interpretum opinionibus Koeppenii sententiam probat; denique ipse errare videtur, quum sensum loci constituit his verbis, *am besten: ein Mann, der sich durch seine Feigheit den Pfeilen blossgiebt.*

Aliter. In malam partem accipiunt vocem, qui derivant ab *ιά* i. e. βοή sive *ιωή* et *μωρός*, quo is significetur, qui insane h. e. vehementer clamet. Cfr. Passovii lex. gr. s. v.

Aliter. Fuerunt qui vocem ex *ιά* et *μόρος* constare arbitrarentur eosque indicari contenderent, qui clamando solum essent occupati. Cfr. Passov. lex. s. v.

Aliter. Qui derivant ab *ιά* et *μῶλος*, significant homines, quorum fortitudo in vana magniloquentia posita est. Cfr. Passov. lex. s. v.

2. De voce *έγχεσίμωρος* nihil monent scholia et Eustathius, praeterquam quod hic ad Jl. p. 322, 39. dicit, *έγχεσίμωροι, περὶ τὰ έγχεα μεμορημένοι, ὃ έστι κακοπαδοῦντες, έκταθέντος τοῦ ο εἰς ω, ὡς καὶ ἐπὶ τοῦ ιόμωροι γίνεται.* Quibus intelligitur, veteres idem iudicasse, quod de voce *ιόμωροι* uberius exposuerunt. Cfr. Eustath. ad Jl. p. 671, 15. p. 467, 37. neque nova tradit Hesychius et Apollonius Sophista lexico. Cfr. Passov. lex. gr. s. v. Etym. 776, 25.

3. In explicanda voce *ύλακόμωρος* conspicitur mirifica quaedam interpretandi varietas. Nam dicuntur *ύλακόμωροι οἱ περὶ τὴν ύλακὴν μεμορημένοι, ὃ έστι πεπονημένοι, έκταθέντος καὶ πάλιν τοῦ ο τῆς παραληγούσης.* Eustath. ad Od. p. 1749, 37. Cfr. Apollon. Soph. lex. s. v. Etym. 776, 21.

Aliter. Eustathius eodem loco haec servavit, *ύλακόμωροι οἱ περὶ ύλακὴν καὶ φυλακὴν ὄντες, παρὰ τὴν ὥραν, τὴν φυλακὴν, ἵνα εἶεν ύλακόωροι, πλεονάσαντος δὲ τοῦ μ ύλακόμωροι.* Cfr. Dammii lex. homer. s. v.

Aliter. Idem Eustathius ad Od. p. 1749, 34. sic habet, *ύλακόμωροι κατὰ μὲν Ἀρίσταρχον ὀξύφωνοι, ἐπεὶ καὶ μόρον ἐν ἄλλοις ἐδηλώθη λέγεσθαι τὸ ὀξύ, ὃ ἐξετάθη ἐν τῷ ύλακόμωροι.* Cfr. Etym. 776, 22. Quam quidem interpretationem a multis improbatam esse, intelligitur ex toto illo loco Eustathii. Illud *μόρον* Cypriis fuisse τὸ ὀξύ, scholiasta refert ad Jl. ξ, 479. Etym. 776, 23.

Aliter. Eustathius ad Od. p. 1749, 38. vocem a *μωρός*, *insanus*, derivatam esse testatur eamque interpretationem absurdam visam esse grammaticis, quod hoc vocabulum apud Homerum non inveniatur.

Aliter. Passovius, quem de recentioribus unum commemoro, vocem non compositam esse putat, sed meram praebere derivationem ab *ύλακή*.

§. 3.

Habes in his variis explicationibus inepta grammaticorum somnia atque vana commenta, indigna maximam partem, quae argumentis refutentur. Sed eae ipsae disputationes, ne specie quidem verisimilitudinis firmatae, vestigia fere continent, quibus, si caute procedimus, ad probam significationem ducamur; meliora tamen ad absurda deflexit et misere foedavit grammaticorum inscitia. Cuius rei ut unum exemplum afferamus, explicatio vocis *ύλακόμωροι*, quam Aristarchi, praestantissimi grammatici, auctoritate firmatam commemoravimus, ab aliis iisque indoctioribus pessime habita esse videtur. Coniicio enim, Aristarchum vocem *ύλακόμωροι* non explicasse, ratione habita singularum vocabuli partium, sed dixisse, ad sensum idem esse, quod *όξύφωνοι* (Cfr. Eustath. ad Od. p. 1749, 35. Spitzner. ap. Koepfen. ad Jl. o, 312.). Inde illud natum est apud Hesychium, *ύλακόμωροι· οί βαρύφωνοι, όξύφωνοι*; contra illud *όξύ*, quo vocem *μωρόν* accurate reddi monent, a grammaticis videtur inventum esse, vel aliunde translatum. Ex eiusmodi ineptiis temere conflatus est Hesychii locus *μωρόν· όξύ, μάταιον, άμβλύ, βαρύ, δειρόν, νωθρόν, ύλακτικόν, πεπονηκός περί τι, ήλίθιον*; unde patet, grammaticos, cum lexica consarcinarent, radice verborum neglecta significationes undique conquisivisse, quae ad singulares locos satis bene se haberent, coniunctae nihil valerent.

Ego vero si quid in illis grammaticorum opinionibus lateat, quo adhibito rectam viam prosecui licebit, non detrectabo; sed ut mihi persuasum est, voces in *ΜΩΡΟΣ* desinentes omnes ad eandem rationem revocandas esse, neque facile quemquam interpretum illam rationem clare perspexisse, interpretationem, quae mihi quidem argumentis satis firmata est, aliorum iudicio ingenue proponam simulque addam argumentationem, in qua sententiae meae firmamentum constare mihi visum est.

§. 4.

In formatione et significatione constituenda redeundum est ad vocem *ΜΕΡ*, ex qua radice permulti surculi progeminarunt, ut *μέρος*, *μείρομαι*, *μόρος*, *μοῖρα* et amplificatae formae *μέρμερος*, *μερμηρίζω*, aliae. Quorum vocabulorum primariam vim et notionem in dividendo et tribuendo positam si enucleatius consideramus, tres potissimum significationes se excipiunt, ut primum generaliter pars quaelibet indicetur, tum ratione considerata, quae deos intercedit atque homines, ea pars et conditio significetur, quam a diis constitutam in vita experimur, denique una illa pars singularis, fatalis hominibusque communis cogitetur. Etenim hominibus nihil est morte certius, et vere canit Homerus, *Il. ζ*, 488.

μοῖραν δ' οὐτινά φημι πεφυγμένον ἔμμεναι ἀνδρῶν.

Est illa sententia humanae mentis naturae profecto consentanea, atque voces *μόρος* et *μοῖρα* (de his enim solis nunc agere placet;) cum simplices, tum aliis vocabulis adiunctas, illarum trium significationum unam repraesentare, quam quidem loci sensus proponit atque commendat, Homeri lectio me constanter docuit. Itaque *μοῖρα* primum usurpatur de parte sive portione qualicunque, quam aliquis nancisci potest, veluti opum (*Od. δ*, 97.), cibi (*Od. ξ*, 448. ρ, 335. τ, 423.), noctis (*Il. ζ*, 253.), regionis (*Il. π*. 68.), aliarum rerum (*Od. γ*, 40. *Il. δ*, 170. ο, 195.).

Vocabulum *μόρος* quidem hanc universalem significationem non habet apud Homerum, contra de vi quadam fatali, quam in vita humana valere existimabant, saepissime usurpatur. Itaque haec altera notio, quam eandem dicas generalem, saepe locum habet in carminibus homericis, ut quum Hector Achillem alloquitur, *Il. χ*, 280.

*ἡμβροτες, οὐδ' ἄρα πά τι, θεοῖς ἐπιείκελ' Ἀχιλλεῦ,
ἐκ Διὸς ἡείδεις τὸν ἐμὸν μόρον, ἥτοι ἔφης γε.*

De voce *μοῖρα* hoc exemplum adscribam, *Od. ε*, 114.

ἀλλ' ἔτι οἱ μοῖρ' ἐστὶ φίλους τ' ιδέειν.

Cfr. *Il. η*, 52.

Sed ut facile intelligis, voces illas primum generalem notionem indicasse atque mediam significationem, quae in bonam aequae ac malam partem accipi potuerit, ita plerumque voces mediae in alterutram potissimum significationem se inclinant, eae vero, quas commemoravimus, in bonam partem raro interpretandae sunt. Prosperam tamen fortunam *μοῖρα* indicat Jl. γ, 182.

ὦ μάκαρ Ἀτρείδῃ, μοιρηγενές, ὀλβιόδαιμον!

et Od. v, 76.

ὁ (Ζεὺς) γάρ τ' εὖ οἶδεν ἅπαντα,
μοῖράν τ' ἀμμορίην τε καταθνητῶν ἀνδρώπων.

Quo loco antiqui *μοῖραν* recte interpretantur *εὐδαιμονίαν καὶ εὐτυχίαν*. Cfr. Eustath. ad Od. p. 1883, 52. Plerumque in malam significationem voces illae abierunt ipsaque vis ad deos refertur, qui omnium, quae hominibus tribuuntur, auctores existimantur. Itaque *μοῖρα* ad deos pertinet (Od. χ, 413.), a quibus generi humano tribuitur, adeoque dea facta est (Jl. ω, 209.) et cum Iove, deorum potentissimo, coniuncta (Jl. τ, 87.) *). Quodsi de fati deorumque natura quaeris, non facile quisquam probabit, Iovis voluntati ac potentiae severam quandam et inexorabilem fati vim obnoxiam esse. Sin vero humanarum rerum procurationem in diis spectamus, neque omni curatione et administratione rerum vacare eos, neque contra a principio omnia constituisse et in omne tempus disposuisse et tribuisse, Homeri carmina docent. Neque enim Iovis aliorumque deorum natura certis finibus circumscripta est, quoniam humanae naturae imbecillitas et temeritas ita permixta est cum deorum immortalium gravi-

*) Ad eandem rationem refero illud *ὑπὲρ μόρον* (Jl. φ, 517. Od. α, 34. 35. ε, 436), quod Wolfius quidem semper uno vocabulo repraesentat, aliis veterum grammaticorum probantibus (Eustath. ad Od. p. 1387, 64.), aliis dissentientibus (schol. ad Od. α, 35.). Quae controversia quamquam non gravissimi momenti est, tamen meo quidem iudicio ita est comparata, ut voces seiungendas esse arbitrer. Nam si adverbium *ὑπέροχα* (Jl. β, 155.) suadere videtur, ut copulentur, alia, uti *ὑπὲρ μοῖραν* (Jl. υ, 336.), *ὑπὲρ αἶσαν* (Jl. π, 780.), quae vel Wolfius seiunxit, ut distraherentur, paene iubent. Oppositae sunt dictiones *κατ' αἶσαν*, Jl. γ, 59.

ἐπεὶ με κατ' αἶσαν ἐνείκεσας, οὐδ' ὑπὲρ αἶσαν,

itaque *κατὰ μοῖραν*, ut *par est*, ut *deceat*, rite, Od. ι, 245. cfr. Od. ξ, 509.

tate et constantia, ut omni divina maiestate haud raro privari videantur. Itidem non ea est conditio hominum, ut fati vim negare queas omniaque forte, temere et casu fieri facile contendas; sed nunc leges quaedam observantur et necessitas, qua ex deorum consilio res eveniant, ut de Troiae excidio iudicandum est, itemque Ulysses a Neptuno irato per varias terras iactatur, a Minerva autem servatur factoque deorum decreto a Iove ex insula Calypsonis revocatur; nunc singulis hominibus liberaliter permittitur, quam suam sibi fortunam condere velint, cuius rei proci ac servi Penelopae documentum insigne reliquerunt; nunc hominum fortuna vel a diis utpotè anceps et dubia proponitur, ut eligendi facultas concedatur: nam Achilles, ut hoc unum afferam, quum duplex vitae fatum se experiri posse sciret, ut aut longaevus sine gloria in patria moretur, aut iuvenis cum sempiterna laude ad Troiam obiret, gloriam prae diuturna vita elegit; nunc denique si quis in malam rem abire conatur, propensus deorum animus nonnunquam conspicitur, qui quominus dira patiatur, impedire studeat, dummodo ille admonitus prudenter sibi cavere velit, ut Aegisthus probat, qui cum in eo esset, ut cum Clytaemnestra, Agamemnonis uxore, adulterium committeret, a Mercurio, Iovis ministro, ne id faceret, benevole admonitus, pessimae tamen libidini indulsit nefandique sceleris luit poenas. Quae cum ita sint, ex multis Homeri locis patet, homines, quibus nihil mali unquam dii constituissent, suis sibi sceleribus atque ineptiis vel turpissimas calamitates contraxisse. Illa igitur ὑπὲρ μόρον evenire Homerus existimat.

Quoniam vero ex perpetua hominum opinione dii omnia mala dirasque calamitates generi humano tribuisse creduntur; cuius rei mentionem Iuppiter facit in deorum concione (Od. α, 32.) his verbis,

ὦ πόποι, οἷον δὴ νῦν θεοὺς βροτοὶ αἰτιόωνται!
ἐξ ἡμέων γάρ φασι κάκ' ἔμμεναι,

non mirum est, μοῖραν illam relatam esse ad mortem, quam omnibus communem calamitatem (ὁμοῖον, Il. δ, 315.) dii constituerunt (Od. γ, 246. λ, 559.). Itaque coniunguntur θάνατος et μοῖρα (Il. π, 853. χ, 436.), vel θάνατος et μόρος (Od. π, 421. Il. ω, 85.).

§. 5.

Quod de substantivis vocabulis *μόρος* et *μοῖρα* dictum est, idem de derivatis vocibus et compositis valet. De quibus rebus ut via et ratione agatur, triplex illa significatio comprobanda est.

1. Qualiscunque rei participem aliquem esse significatur.

a) *ἄμμορος*, non *particeps*; quo sensu de Areto dicitur, Jl. σ, 489.

οἷη δ' ἄμμορός ἐστι λοιτρῶν Ὠκεανοῖο.

b) *ἔμμορος*, *particeps*, ut Od. ζ, 480. αἰδοὶ τιμῆς ἔμμοροί εἰσι καὶ αἰδοῦς.

c) *ἰσόμορον* Neptunus se vocat (Jl. ο, 209.), quod cum mundus inter se fratresque divideretur, sua sibi pars aequa tributa sit.

2. Deorum consilio aliquid tributum esse indicatur.

a) *αἰνόμορος* is dicitur, cui misera sors a diis constituta est i. e. gravi fato pressus, ut Od. ι, 53.

τότε δὴ ῥα κακὴ Διὸς αἶσα παρέστη

ἡμῖν αἰνομόροισιν, ἵν' ἄλγεα πολλὰ πάθοιμεν.

b) *κάμμορος* (*κακόμορος*) eum significat, qui infelici fato premitur. Ita apud inferos Ulyssem mater alloquitur, Od. λ, 216.

ὦ μοι, τέκνον ἐμόν, περὶ πάντων κάμμορε φωτῶν.

c) *μόριμον* est fato destinatum, a diis datum; qua significatione legitur Jl. υ, 302. *μόριμον* δέ οἱ ἐστ' ἀλέασθαι.

d) *μόρσιμος* eandem vim habet, ut quum de marito dicitur, quem dii alicui in matrimonium constituerunt, Od. π, 392.

ἡ δέ κ' ἔπειτα

γῆμαιθ', ὅς κε πλεῖστα πόροι, καὶ μόρσιμος ἔλθοι.

Cfr. Jl. τ, 417.

e) *δύσμορος*, *miseriis afflictus*, dicitur saepe Ulysses (Od. α, 49. π, 139. ω, 311.), cui res adversas prae ceteris dii destinarunt.

f) Hanc quasi regulam secutus interpretor vocem *ἄμμορος* sive *ἄμορος*, quae constat ex α et *μόρος*. At α, quod privativum vulgo vocant, vocem notione non privat solum, sed interdum notionem, quae voce continetur, minuit eamque perperam se habere indicat. Nam, ut exemplis utamur, *ἀβουλία* idem valet, quod

δυσβουλία sive κακοβουλία, ἀπρόσωπος idem, quod κακοπρόσωπος, ἄβιος idem, quod δύσβιος; item γάμος ἄγαμος, δῶρα ἄδωρα. Quare α illud idem est, quod δύς, ut Penelope dicitur μήτερ ἐμή, δύσμητερ, Od. ψ, 97. itemque Jl. σ, 54. Achilles mater δυσαριστοτόκεια, quae egregium filium peperit, sed diro fato destinatum. Itaque ἄμμορος (Jl. ζ, 408.) idem significat, quod δυστυχής sive δύσμορος; eodemque modo interpretandum est ἀμμορίη (Od. υ, 76.), *infortunium*.

g) In voce δυσάμμορος (Jl. χ, 428. 485. ω, 727.) particulae δύς et α copulatae vim calamitatis fato tributae augment.

3. Ad fati notionem accedit significatio mortis, quippe quae omnium fato contineatur. Cuius rei exempla quaedam apponamus.

a) μόρσιμος est morti destinatus; probatur id Jl. χ, 13. ubi Apollo Achillem alloquitur his verbis,

οὐ μὲν με κτενέεις, ἐπεὶ οὗτοι μόρσιμός εἰμι.

Idem valet in dictione μόρσιμον ἡμαρ, Od. κ, 175.

b) ὠκύμορος alterum vocabulum est, quod de morte interpretandum esse dicas. Habet illud duplicem significationem, passivam, qui mature moritur, Jl. σ, 95. et activam, qui celeriter mortem parat, ut ἰοὶ ὠκύμοροι, Jl. ο, 441.

§. 6.

Haec tenenda sunt de voce μόρος atque ad significationis rationem, quam secundo loco exposuimus, referendas esse censemus voces ἐγχεσίμωρος, ἰόμωρος, ὑλακόμωρος¹, σινάμωρος, modo statuas, ο mutatum esse in ω; quam litterae productionem ob multas breves vocales, quae in illis vocibus cumulantur, necessitas metrica postulat. Scimus enim, qui Homerum legimus, multo audacius litteras permutari qualescunque et formas, α produci in η, ut χαλκοβάτης (Jl. α, 426.) et ἐμπυριβήτης (Jl. ψ, 702.); α in αι, ut παρά (Jl. α, 26.) et παραί (Jl. ο, 175.); ε in η, ut μέροψ (Jl. α, 250.) et μερμηρίζω (Jl. α, 119.); ε in ει, ut λέων (Jl. ο, 630.) et λείουσι (Jl. ε, 782.); ο in η, ut ὀλιγοδρανέων (Jl. ο, 246.) et ὀλιγηπελέουσα (Od. τ, 356.); ο in οι, ut μόρος (Od. π, 421.) et μοῖρα (Jl. π, 853.); ο in ου, ut δολιχός (Jl. κ, 52.) et δουλιχόδευρος (Jl. β, 460.). Itaque cum productiones eiusmodi in reliquis voca-

bulis apud Homerum sexcenties inveniantur, in illis formis nihil est insoliti; quamquam Buttmannus (gram. gr. §. 25. II, 1.) contendit, o rarissime mutari in ω. Saepissime id fieri probabimus exemplis. Nam invenitur αἶδοψ (Od. ν, 8.) et Κύκλωψ (Od. α, 69.), δόμος (Od. α, 83.) et δῶμα (Jl. α, 533.), δοτήρ (Jl. υ, 44.) et δωτήρ (Od. θ, 325.), δύο (Jl. χ, 46.) et δύω (Jl. β, 822.), βοτήρ (Od. ο, 504.) et βῶτωρ (Od. ξ, 102.), Διόνυσος (Od. λ, 325.) et Διώνυσος (Jl. ζ, 135.), γαιήοχος (Od. α, 68.) et ἀγέρωχος (Jl. η, 343.), ποτάομαι (Jl. β, 462.) et πωτάομαι (Jl. μ, 287.), τρώπειον (Jl. σ, 224.) et τρωπᾶσθαι (Od. τ, 521. cfr. Eustath. ad Od. p. 1639, 40. ad Jl. p. 719, 56.), ἐπιστροφος (Od. α, 177.) et ἐπιστροφῶσι (Od. ρ, 486.), τροχάω (Od. ο, 451.) et τρωχάω (Jl. χ, 163.), πολέω, ἀμφιπολεύω (Od. υ, 78.) et πωλέω, ἐπιπωλέω (Jl. γ, 196.), σόω (Jl. ι, 424.) et σώω (Jl. θ, 363.), πλοῖζω (Suid. s. v.) et πλωῖζω (Hesiod. Ἔργ. 634.), πλόϊμος et πλώϊμος, κόβαλος et κῶβαλος, κόνιον (κόνειον) et κώνειον, μορία et μωρία, συγκόμορον (sicus sycem. Linn.) et μωρόσυκον. Eandem licentiam poetae in multis adiectivorum terminationibus intelligere licet, ut est σκιοίεις (Od. ν, 2.) et εὐρώεις (Jl. υ, 65.), αἵματόεις (Jl. ν, 617.) et ὠτώεις (Jl. ψ, 264.), μετήορος (Jl. θ, 26.) et ἀπήωρος (Od. μ, 435.). Cfr. Eustath. ad Jl. p. 671, 15. et ad Od. p. 1749, 36. Sed memorabile est, illas ipsas voces, quas ad examen vocamus, ita apud veteres scriptas reperiri, ut o breve insit. Nam legitur apud Etymologum 630, 25. ἐγχείμορος, itemque σινάμορος (Etym. 713, 27.); quam quidem formam apud Herodotum (V, 92. 6.) exhibuerunt nonnulli editores, Wesselingius, Reizius, alii; recentiores autem, Gaisfordus, Matthiae, Baehrius, constantia ducti, σινάμωρος recte receperunt. Cfr. Lobeck. ad Phryn. p. 690. Unum vocabulum commemorandum restat in o breve semper desinens, γεώμορος, γειόμορος, γήμορος, γάμορος, quo agricolarum ordo in veteri Atheniensium re publica significatur (cfr. Aesch. Suppl. 628. Hesych. s. v. Herod. VII, 155. Etym. 229, 43.); itemque de bove legitur, nimirum agricola et aratore (Apollon. Rhod. Argon. I, 1214.). Quae vox est nostris illis persimilis, quod prior eius pars substantivum est, reliqua autem exempla, quibus ad sententiam probandam usi sumus, aut adiectiva continebant, aut particulas.

§. 7.

Ad ipsam interpretationem ut transeamus, est illa quidem iam perfacilis. Nam *ἐγχεσίμωρος* indicat eum, qui hastis destinatus est, qui suapte natura ductus in hastis tractandis versatur, qui ad hastas scite iaculandas natus et aptus est. Quare strenui bellatores apud Homerum indicantur, qui cominus pugnant atque fortitudine insignes habentur, nimirum *ἀγχέμαχοι* (Jl. ν, 5.) vel *ἐγχέσπαλοι* (Jl. β, 131.). Quales enim homines sunt, tales a diis eos constitutos esse, Homerus existimavit multis locis, ut Jl. α, 290.

*εἰ δέ μιν αἰχμητὴν ἔδεσαν θεοὶ αἰὲν ἰόντες,
τοῦνεκά οἱ προθέουσιν ὀνείδεα μυθήσασθαι;*

Post Homerum vocem *ἐγχεσίμωρος* et simplicem et gradu comparativo positam inveni in epigrammate Ammiani (Anal. II, p. 389.), cuius verba haec sunt,

Κύλλος καὶ Λεῦρος, δύο Θεσσαλοὶ ἐγχεσίμωροι.

Κύλλος ἐκ τούτων ἐγχεσιμωρότερος.

Quibus versibus verisimile est, significationem receptam esse vulgarem illam, improbatam a nobis, ut *ἐγχεσίμωρος* idem sit, quod *ἐγχεσίμαργος* h. e. *τοῖς ἐγχεσι μαινόμενος* (Etym. 313, 7. ibid. 313, 14.). Itaque aut non miraberis, falsam vocis explicationem, sed multis veterum probatam reperiri apud scriptorem deterioris et notae et aetatis, quem Homeri sensus latebat, aut consulto vocem illam ex *μωραίνειν* ductam esse statues, ut ad similitudinem vocis homericæ ridiculi aliquid praeberet; nam Cyllus ille et Leurys, quoquo modo nomina eorum interpretaris, his versibus exagitantur haud dubie tanquam pugnatore fatui hastaque inepte utentes.

Quae de voce *ἐγχεσίμωρος* apud Homerum statuimus, valent eadem de voce *ἰόμωρος*, praeterquam quod de sagittarum usu recte iudicandum est; quare significantur ii, qui sua indole et de deorum voluntate sagittis mittendis occupati sunt.

Denique *ὕλακόμωροι* soli canes dicuntur, quoniam per dies noctesque latrando dediti sunt. Neque enim ullum animal reperiatur, quod tanta impudentia et tanta quasi vociferatione homines fatiget, quam canis, non strenuus solum et magnus, sed etiam timidus et parvus, ita ut illo latratu non feritas

quaedam conspiciatur, sed nativa latrandi cupiditas. Quare veterum nonnulli vocem *ὕλακόμωρος* ad sensum non male declararunt *ὕλακτικός*. Cfr. Suid. et Etym. s. v.

§. 8.

Qui difficiliore voces ita perspectas habent, ut radicibus compertis significationem primariam suis terminis definire possint, in singulis tamen scriptorum locis quae significationis vis tenenda sit, non semper assequuntur. Etenim multorum vocabulorum notio tempore mutatur, cum populorum, tum singulorum scriptorum usu varie constituitur atque ex orationis contextu pendet loquentisque mente, quae aut primariam, aut derivatam, aut propriam, aut translatam vim statuendam esse iubet. Cum interpretis cura singularis ponenda sit in orationis, quam pertractat, natura singulorumque vocabulorum ratione, videamus, quid de voce *ἰόμωρος* apud Homerum iudicandum sit. De qua etiamsi nostram illam disputationem comprobaveris, non tamen mens homerica facilis et aperta est; neque simplex atque consentiens interpretum sententia reperitur, sed in aliis alia, aut falsa, aut minus perspicua ac definita. Iam ut, quid ego sentiam, eloquar, in argumentatione proponenda secutus sum et sensum meum qualemcunque, et rationem loquendi cum duobus illis locis, tum universa poesi homerica probatam. Utroque loco (Il. δ, 242. ξ, 479.) *ἰόμωροι* ad Argivos refertur. Priore quidem ab Agamemnone usurpatur catervas Achivorum obeunte; quoscunque segnes et cunctantes inveniret, eos gravi oratione obiurgasse dicitur, cuius initium est,

Ἄργεῖοι ἰόμωροι, ἐλεγχέες, οὐ νῦν σέβεις;

Altero loco Acamas, dux troianus, cum Promachum occidisset, in Achivos superbius invehitur, his verbis incipiens,

Ἄργεῖοι ἰόμωροι, ἀπειλάων ἀκόρητοι!

§. 9.

Quod epitheton cum nusquam alias legatur neque eius vis illis locis omni ex parte eluceat, oritur prima quaestio de dictionis natura, utrum honorifica sit, necne. In primaria quidem significatione eaque proprie et per se spectata

nihil inest dedecoris; immo honorifici aliquid re ipsa contineri, probabile videtur. Nam illud *ΜΩΡΟΣ* indicat perpetuum usum et quandam peritiam; sagittarum vero usus quin omnino honorificus fuerit, quis dubitat, quum vel ad deos referatur atque nobilissimos bellatores? Est enim Apollo *ἀργυρότοξος* (Jl. α, 37.), *κλυτότοξος* (Jl. δ, 101.) adeoque praeses *τῆς τοξοσύνης* (Jl. ο, 441.); Diana dicitur *ιοχέαιρα* (Jl. ε, 53.), et Hercules artis sagittariae in primis peritus habetur (Od. ζ, 224.); item sagittandi arte eminent Philoctetes (Jl. β, 718.), Paris (Jl. ζ, 81.), Eurytus (Od. ζ, 224.), Teucer (Jl. π, 511. ζ, 296. sq. ψ, 862. ο, 440. ν, 314.), Idas (Jl. ι, 559.), Meriones (Jl. ν, 650. ψ, 862.), Helenus (Jl. ν, 582.); ipsi Achivi sagittas iaciunt (Jl. γ, 79. ν, 313. Od. ζ, 220.), atque Homerus pugnam ab Hectore instauratam ita describit, ut in utraque pugnantium parte et sagittarios fuisse pateat, et hastatos (Jl. ο, 312. 709. π, 361. 773.). Sagittis iaculari in singulari arte positum fuisse, eius rei argumentum est, quod plerumque eiusmodi exercitationes in certaminibus publicis proponebantur, ita ut in Patrocli funere principes Achivorum arte illa inter se certasse haud mirandum sit (Jl. φ, 850. sq.); in quo genere singulari dexteritate excelluit Ulysses (Od. ζ, 215. sq.), qui mendici specie indutus Laertiadae arcum tetendit, quod frustra conati erant proci (Od. φ, 124. sq.); atque socios Ulyssis sagittis instructos et usos esse, multi Odysseae loci declarant, quibus ipse et socii suntis arcubus venatum exiisse dicuntur (Od. ι, 156. κ, 262.).

Hac disputatione ductus qui honorificam artis sagittariae significationem probare et in duobus illis locis ad vocem *ἰόμωρος* referre velit, habet ille singulare probabilitatis fulcrum in natura permultorum locorum, quibus convicia continentur apud Homerum. Nam hoc in illius aetatis simplicitate cogitandi atque in morum integritate positum est, ut, cum suum cuique tribuat, aliorum virtutes et vitia aequae diiudicet, atque cum alicuius actiones in reprehensionem vocandae sint, virtutes tamen commemorentur et ea denique, quae laudanda sint, in hostibus etiam laudentur. Nostris diebus usus aliter fert; nam si quem graviter reprehendendum existimamus, virtutes eius omnino reticemus; at si quid de laude cuiuspiam praedicandum esse statuimus, in iis, quae laudanda censemus, subsistimus, idque callide facimus et apte ad persuadendum. Quare

interpretes permultis locis homericis hodie offenduntur; sed eos morum quaedam perversitas a vero iudicio excludit. Cuius rei ut exempla nonnulla adii-
ciam, Idomeneus reprehendens Ulyssem ita orditur orationem, Jl. θ, 93.

Διογενὲς Λαερτιάδῃ, πολυμήχαν' Ὀδυσσεῦ.

atque Achillem Hector ille infestissimus sic alloquitur, Jl. χ, 279.

ἤμβροτες, οὐδ' ἄρα πῶ τι, θεοῖς ἐπιείκελ' Ἀχιλλεῦ,
ἐκ Διὸς ἠεῖδεις τὸν ἐμὸν μῦθον, ἦτοι ἔφης γε.

Cfr. Jl. ι, 356. 698. Ad idem genus loquendi referenda est oratio Achillis, qua Agamemnonem increpat, Jl. α, 122.

Ἀτρεΐδῃ κύδιστε*), φιλοκτεανώτατε πάντων!

et quod respondet Agamemno, Jl. α, 131.

μὴ δ' οὕτως, ἀγαθὸς περ ἑὼν, θεοείκελ' Ἀχιλλεῦ,
κλέπτε νόφ!

Paris cum Diomedem vulnerasset, superbius exclamare dicitur, Jl. λ, 380.

βέβληαι, οὐδ' ἄλιον βέλος ἔκφυγεν· ὥς ὄφελόν τοι,
νεΐατον ἐς κενεῶνα βαλὼν, ἐκ θυμὸν ἐλέσθαι!
οὕτω κεν καὶ Τρῶες ἀνέπνευσαν κακότητος,
οἶτε σε πεφρίκασι,λέονθ' ὥς μηκάδες αἶγες.

Sed his ipsis verbis magnopere laudat Diomedem, quum fortitudinem eius praedicat et, quantum timorem Troianis incutiat, confitetur. Falsum est enim et ab homerica mente abhorret, quod scholiasta monet ad l. l. v. 383. τὸ ἴδιον πάθος ἐπὶ πάντας εἰκάζει. Idem patet ex oratione Pandari, qui cum Diomedem sagitta non trucidasset, hasta eundem aggrediens dicit, Jl. ε, 277.

καρτερόθυμε, δαΐφρον, ἀγαθοῦ Τυδέος υἱέ,
ἦ μάλα σ' οὐ βέλος ὠκὺ δαμάσσατο, πικρὸς οὔιστός·
νῦν αὖτ' ἐγχείη πειρήσομαι, αἶ κε τύχωμι.

Itaque in Achillis oratione (Jl. α, 365 — 412.), qua ultionem precatur a matre, illud εὐρυκρείων Ἀγαμέμνων (411.) non stomachose dictum est, ut

*) Bentleius, cum in hoc loco vulgata lectio ad sensum minus placeret, κέρδιστε legere maluit: quod omnino improbandum est.

Damnius putat (lex. homer. s. v. *εὐρυκρείων*), sed ex illorum temporum consuetudine; quam quidem sententiam sexcenties probari existimo, ubi recentiores interpretes prorsus alia divinavit et coniiciunt; nostris moribus politioribus fortasse consentanea, ab homerica aetate alienissima. His paucis locis quid de multis sentiam, dictum esto; sed operae pretium est, singulari disquisitione Homeri carmina eo nomine enucleatius pertractare, ut, quo modo quaque mente convicia apud Homerum proferantur, accurate doceatur. Quod qui familiaritate cum Homero contracta rite suscipiet, non dubitandum est, quin de permultis locis egregie mercat.

§. 10.

Proposui quae de voce *ἰόμαρος* duobus illis locis iure aliquo statui possint idemque illa statuenda esse nego. Nam ego in utroque loco vocis vim contumeliosam esse existimo. Hoc ut ipse confirmes, considera modo, quantum differat, utrum aliquis fortitudine insignis armisque tractandis praeclarus sagittando etiam excellat sive in venatione, sive in ludis, sive denique in pugna, an in sagittis solis occupatus et in arcu gloriam quaerat. Qui hoc unum facerent, ignavius agere videbantur, a certaminibus excludebantur, quibus bellica virtus et fortitudo valerent, armis ornatuque bellico carebant atque ex secunda acie tanquam ex insidiis hostibus nocebant; quorum sagittariorum ac funditorum insignis imago in Locris conspicitur (Jl. v, 713. sq.). Siquidem temporibus heroicis belli gloria ex ducum virtute potissimum pendet, non facile unquam Achivorum principes, Agamemnonem inquam, Achillem, Diomedem eorumque similes, in certaminibus sagittis uti comperisti, quoniam id ab eorum virorum natura abhorreret. Quare hastas, gladios ad principes et fortes, sagittas, fundas, in pugnis quidem ad inferiores, nunc ad duces, nunc ad bellatores gregarios, nunc ad barbarorum populorum singularem usum referre probabile est. Atque ut strenui bellatores, quid dignitati suae eique, quam merittissimo obtinerent, auctoritati consentaneum esset, intelligentes, perpetuo in gravium et arduarum rerum tractatione versabantur, ita sagittarum iaculationem subdolam illam ut humile quiddam neque satis dignum, quo gloria compararetur, vituperabant et in vitio atque dedecore ponebant. Cuius rei cum aper-

tissima testimonia in Homeri carminibus contineantur, unum locum accuratius consideremus, qui in Iliade (λ, 385.) rectissime et ad optimorum librorum fidem antiquorumque grammaticorum auctoritatem in Wolfii editione sic exhibetur,

τοξότα, λωβητήρ, κέρα ἀγλαέ, παρθενοπίπα.

Mirum est, quanta et quam varia sit interpretum et antiquorum, et recentiorum disceptatio (vide Heynii ad h. l. obs. itemque schol. et Eustath. ad. h. l.), cum alii nonnullas voces in unam notionem complectantur, alii alio modo interpunctionem exhibeant, alii alias lectiones sequantur, alii singulas voces aliter interpretentur, alii denique alium totius versus sensum constituent, ita ut, ne in sententiis interpretum aut probandis, aut refellendis tempus perdamus, neve considerata iudicii diversitate mentem nostram modo huc, modo illuc temere distrahamus, de integro, ac si nihil disputatum esset, quaestio pertractanda esse videatur. Sunt illa verba Diomedis, quibus in Paridem invehitur; neque toto versu aliud quidquam viro isti effeminatissimo exprobrari potest, nisi ignavia, cui nescio an nullus heroum homericorum magis indulserit; nam Hector ipse saepius obiurgat illam in bello socordiam, ut eius orationes quaedam (Il. ζ, 520 — 529. et γ, 39 — 57.) superiori loco lucem, quam desideramus, largiter affundant.

τοξότα universe ignavum significat, usu ducto a sagittis mittendis. Nam eo nomine Hector de Paride dicit Il. γ, 45. ἀλλ' οὐκ ἔστι βίη φρεσίν, οὐδέ τις ἀλκή, et ζ, 523. ἀλλὰ ἐκὼν μεδίεις τε, καὶ οὐκ ἐδέλεις (μάχεσθαι).

λωβητήρ passive accipiendum est, ut sit infamis; nam Alexander nominatur λώβη καὶ ὑπόψιος ἄλλων, Il. γ, 42.

παρθενοπίπα mollem et effeminatam naturam indicat, quod aliis locis (cfr. Il. γ, 39.) γυναιμανής sonat, quamquam illud est lenius expressum.

Quantum quod additur epitheton κέρα ἀγλαέ ad sagittas singulatim spectat; nam re vera sagittis plerumque utitur (Il. γ, 17. ζ, 322.). Hoc κέρα ἀγλαός est illustris sagittarius *), quod quidem epitheton ita ad reliqua referendum

*) Errorum, quibus scatent antiquorum grammaticorum de hoc loco commentationes, unus

est, ut minora quaedam concedantur, maiora desiderentur. Etenim sensus est, sagittis quidem mittendis excellis, sed ignavia, infamia atque effeminata natura conspicuus es. Eodem modo illud εἶδος ἄριστε ad reliqua refer in loco Iliadis, γ, 39.

Δύσπαρι, εἶδος ἄριστε, γυναιμανές, ἡπεροπεντά!

qui modus conviciandi apertius patet Jl. ρ, 142. quum Hectorem increpat Glaucus,

Ἑκτορ, εἶδος ἄριστε, μάχης ἄρα πολλὸν ἐδένεο!

Ad illud τοξότα (Jl. λ, 385.) vocabulum ἰόμωρος interpreto idemque universe accipio de ignavia, quae cum semel sagittarum abusu oriri putaretur, illo vocabulo notari poterat, etiamsi de sagittis non diserte cogitaretur. Hoc utroque illo loco homerico statuendum esse, orationis ratio te docebit. Neque enim Achivi omnino sagittarii dicuntur, neque illis locis sagittarum usum ad eos pertinere constat. Denique sive tu in voce ἰόμωρος sagittarum significationem evanuisse, ignaviae mansisse existimas, sive ignaviae sagittarumque notionem in Acamae Agamemnonisque mente coniunctam respici autumas, ratio quaerenda est in conviciantium natura, quam in pueris et in hominibus incultioribus, iratis potissimum, cognoscere licet. Qui quum ad convicia proferenda incitantur, quidquid in buccam venit, temere ebulliunt, nihil sibi non tentandum existimant, quo incusare adversarios possint, quamquam veritate ducti sui que animi sensu a tali iudicio omnino abhorrent. His in rebus heroum homericorum ratio in conviciando puerulorum persimilis est; nam ut in primo Iliadis libro subsistamus, Achilles irascitur Agamemnoni, multa que iratus dicit, quae neque eum, a quo dicuntur, decent, neque in eum, cui dicuntur, conveniunt.

potissimum ad nostra tempora manavit, ut ἀγλαός ad ἀγάλλομαι referatur atque dictio κέρως ἀγλαέ significare dicatur arcu superbientem (τόξω ἀγαλλόμενον); quam sententiam a me improbari, monui Quaest. lexil. p. 9. et 21. cum quae formae a radice λαω derivandae esse viderentur, exponerem, atque in voce ἀγλαός splendoris significationem primariam esse, derivatam in qualicumque praestantia et pulchritudine positam esse ostenderem.

Considera modo verba illa Achillis, quibus quum conviciandi causa alloquitur Agamemnonem, Jl. α, 225.

Οἰνοβαρές, κυνὸς ὄμματ' ἔχων, κραδίην δ' ἐλάφοιο!

ira quasi obcaecatus neque gravissimi viri et fortissimi bellatoris gloriam iudicii temeritate sustulit, neque vitam eius anteactam ad veritatis rationem revocavit.

Quae cum ita sint, nihil impedit, quominus sicuti ἐγγεσίμωρος et αἰχμητής (cfr. Jl. α, 290. γ, 179. ε, 197. η, 281. 289. π, 431. Od. π, 242.) de forti ac strenuo, ita ἰόμωρος et τοξότης per se de ignavo atque insidioso bellatore accipiantur.

§. 11.

Postremo de vocabulo σινάμωρος *) ut disputetur, redit illud ad σίνεσθαι hoc est *damno afficere, vastare*, et eum significat, qui natus est, ut alios laedat et detrimento afficiat (Herod. V, 92. 6.); eandem notionem habet σινάμωρεῖν (Herod. I, 152. VIII, 35.). Illa cupiditas nocendi atque pruritus ille in rebus qualibuscunque aut male tractandis, aut appetendis positus in infantibus et puerulis conspicitur, qui manus vix possunt coercere, nihil fere intactum relinquunt, partim ut temere laedant et deleant, partim ut, si esculenta sunt, bellaria inquam, libidinem suam expleant. Itaque cognata est altera significatio libidinis cuiusdam, quam Atheniensium natura constituit, usus sanxit; nam cum libidinosae vitae dediti essent ad eamque omnia facile referrent, eum σινάμωρον existimarunt, cuius animus liguritione quadam vehementer irretitis moveatur, quominus a rebus, quas affectat, vix absterneat, sed ut partim voluptatibus cupide indulgeat, partim amorī libidinoso serviat. Priorem vim exprimit σινάμωρευμα, quo vocabulo Pherecrates apud Etym. 713, 30. usus est, ut furta designaret liguritione commissa. Hanc significationem prorsus neglexit Pherecratis editor p. 77. quum ita scribit, σινάμωρεύματα· τὰ κλέμματα.

*) Sic recentiores Herodoti editores recte exhibuerunt, Gaisfordus, Matthiae, Baehrius; antea alii, Wesselingius, Reizius, o breve scripserant, inconstantia ducti. Cfr. Lobeck. ad Phrynich. p. 690.

Neque enim sunt κλέμματα generaliter intelligenda, sed ad libidines relata, ut aperte docent Etymologi verba, οἱ μὲν Ἀπτικοὶ λέγουσι σιναμορεῖν τὸ λιχνεύειν· καὶ Φερεκράτης τὰ τοιαῦτα κλέμματα σιναμορεύματα καλεῖ. Alterius singularis significationis, quae in amore libidinoso ponitur, locos poetae comici praebent, ut Aristophanes Nub. 1066.

γυνή δὲ σιναμωρουμένη χαίρει.

Ad quem verum quae scholiasta monet, partim falsa sunt, partim ex Etymologo 713, 28. emendanda et redintegrandae. Ad eandem significationem σινάμωρος referendum est apud Anacreontem, de cuius versu vide Theodorum Bergk, Anacreont. carm. reliq. p. 163. Apud Suidam σινάμωρος dicitur πορνικός, et apud eundem ὁ κακόσχολος, hoc est otio ad flagitia abutens. Cfr. Hesych. s. v. σινάμωρος ibique interpretum observationes.
